

San Pablo Filipos vü'ejoopo pa'inare chü'o tocha saosi'ea'me

Chü'o saosi'ea'me

¹ Chü'ü, Pablo, Timoteona'me, Jesucristo'te cho'oche cho'okainapi, müsänükonare Filipos vü'ejoopo pa'inare Jesucristo'te cuasajü jovosinajëü Dios neenare ücuanükore ija'ova utija'ova tocha saome, müsänükonare chü'ünana'me ücuanare cho'oche cho'okainare.
² Mai Ja'kü Diona'me Maire Paakü Jesucristoji müsänükona rekoñoäna re'oja'che pa'iche'te cho'okaijüna re'oja'che pa'ijü'ü.

Jesure cuasanare Pablo Diore sêekaiü pa'isi'ere küatü

³ Müsänükona re'oja'che pa'iche'te cuasani chü'ü Cuasakü'te Diore, "Re'orepamü, Ja'kü", chiiü pa'ikü'mü chü'ü.
⁴⁻⁵ Müsänükonapi Repaü'te apēcuaasarümüpi irümujatü'ka cheküna päipi Jesucristo'te cuasache küachü'ore asajü paarpü chini cuhama'ñe ja'me cho'okaiche'te cuasakü müsänükonare sêekani si'arümü pojokü sêekaiü pa'ikü'mü chü'ü Repaü'te.
⁶ Dios müsänükonare si'arümü na'a re'oja'che paarpü chini cho'okaiü pa'imü. Jesucristo jo'e raikumucusejatü'ka Repaü'ji cuhama'ñe cho'okaiüna müsänükona re'oja'che pa'ijü, pi'niñetü'ka cho'oju pa'ijache masimü chü'ü.
⁷ Chü'üpi müsänükonare jã'aja'ñe cuasato rüa

re'omũ. Mũsanũkona Diore ja'me re'oja'che cho'okaicojñonare, rũa chiiũ chũ'ũ rekocho oimũ. Chũ'ũ ivũ'e pãĩ chẽavũ'ere pa'iu chekũrũmũ chũ'ũpi ku'iu Jesucristo'te cuasache kũachũ'ore chũ'vakũ panijẽ'e mũsanũkonare ũcua oiũ pa'ija'mũ. ⁸ Jesucristoji oiũ cho'okaiũna chũ'ũ mũsanũkonare ũcuanũkore rũa oiũ ñaũache cuasache masimũ Dios. ⁹ Ũcuachi'a mũsanũkonapi sãĩñechi'a si'arũmũ na'a rũa oijũ Repaũ chũ'ojẽ'e na'a rũa masijũ re'oja'che pa'imasia'jũ chini Diore sẽekaiũ pa'imũ chũ'ũ. ¹⁰ Jã'aja'ñe pani cuasa, "Iepi na'a re'omũ", chini masijũ si'arũmũ na'a rũa re'oja'che cho'ojũ Cristo jo'e rairũmũjatũ'ka cu'achejẽ'e cho'oma'ñe re'oja'chechi'a cho'ojũ pa'ijanaa'me mũsanũkona. ¹¹ Jesucristoji cho'okaiũna mũsanũkonapi re'oja'chere si'ache cho'ojũ pa'ito pãĩ ña Diore, "Rũa Re'okũji peore Masiũ'mũ mũ'ũ", chijũ pojojanaa'me.

Cristo chiiche cho'okaijũ pa'iche'te kũamũ

¹² Chũ'ũ majapãijana, ie masijũ'ũ: Chũ'ũpi si'ache cu'ache cho'ocojñokũna pãĩ chura Jesucristo'te cuasache kũachũ'o na'a rũa jainũko asajũ pa'ime. ¹³ Chũ'ũ Cristo neekũjekũ pãĩ chẽavũ'e pa'iche, pãĩ chũ'ũkũ vũ'e pa'inana'me chekũna pãĩ icheja pa'ina ũcuanũko masime. ¹⁴ Ũcuachi'a mai majapãijana icheja pa'ina jainũko chũ'ũ pãĩ chẽavũ'e pa'iche'te ña, vajũchũche jo'kasõ Maire Paakũni Dioni na'a rũa cuasajũna Ũcuauji cho'okaiũna Repaũ chũ'o na'a rũa chũ'vajũ pa'inaa'me.

15 Pãi te'ena chekuna neere tua paañu chini cuasaju ũcuachi'a chekunare re'oja'che cho'ocheja'chere na'a rua re'oja'che cho'ocojñoñu chini Cristo pa'iche'te chu'vaju pa'ime. Ũcuarepaa'me jã'a. Chekunata'ni re'oja'che cho'oñu chini cuasaju chu'vaju pa'ime. 16 Repana re'oja'che cho'oñu chini cuasaju chu'vana Diopi chu'uni ivu'ere pãi chēavu'ere pa'iu Cristo'te cuasache kuachu'ore chu'vaa'ku chini jo'kauna masiju chu'ure cuasaju pãire chu'vaju pa'ijuasome. 17 Chekunata'ni, ũcuarepa cho'omanajeju te'ena re'oja'che cutucojñoñu chini Cristo pa'iche'te kuame. Ũcuachi'a chu'uni pãi chēavu'e pa'ikuni na'a rua pa'icu'ache cho'oñu chini chu'vame.

18 Jã'ata'ni jã'a cuasama'mu chu'u. Re'oja'che cuasanapi jã'apãani ũcuarepa cho'omana chu'vatojẽ'e Cristo pa'iche asame pãi. Jã'ajekuna pojomu chu'u. Ũcuachi'a iere masiku jo'e na'a rua pojoja'mu chu'u. 19 Musanukonapi Dioni cuasaju sēekaijuna Jesucristo Rekochoji cho'okaiuna chu'u cu'ache cho'ocojñoñe re'oja'che pani etajaija'mu chu'u. 20 Chu'upi cho'oa'ku chini Dios jo'kasi'ere vajuchumañe masi cho'oku pasa chiimu chu'u, pãipi chu'u cho'oche'te ña, chu'upi ũcua vajuu pa'itojẽ'e ũcuachi'a chuenisorujẽ'e Cristoni si'arumu pojoju, "Rua Masiu'mu mu'u", chiiju masia'ju chini. 21 Chu'u vajuu pa'irumuna Cristo chiichechi'a cho'oku pojoku pa'ija'mu chu'u. Chu'upi jūnisoru na'a re'oja'che ti'jñeja'mu chu'ure. 22 Jã'ata'ni chu'u na'a jeerumu vajuu pani Repau'te na'a rua cho'oche cho'okaiu

pa'ire'omũ. Jã'ajekũna chu'u chẽajañejẽ'e vesumũ. ²³ Ka'chamajña chiimũ chu'u. Jũnisora chiimũ chu'u, sani Cristona'me ai pasa chini. Jã'aja'ñepi na'a re'omũ chu'ũre. ²⁴ Jã'ata'ni chu'ũpi vajũũ pa'iu mũsanũkonare karache'te cho'okaiũ pa'ito na'a re'omũ. ²⁵ Jã'are cuasaku chu'u na'a jeerumũ pa'ijache masimũ. Pa'iu cho'okaiũ pa'ija'mũ chu'u mũsanũkonapi Dioni na'a masi cuasaju, na'a rũa pojojũ paapũ chini. ²⁶ Jã'aja'ñejekũna chu'ũpi mũsanũkonani jo'e ñara chini sakũna Repaũ'te na'a rũa pojojũ pa'ijanaa'me mũsanũkona.

²⁷ Si'arumũ re'oja'chechi'a pa'iju Dios chu'o Jesucristo pa'iche kũachũ'ore cuasana pa'iche pa'ijũ'u. Jã'aja'ñe pa'ito sani ñani ũcuachi'a mũsanũkona pa'iche'te rupũ asanijẽ'e masija'mũ chu'u mũsanũkona re'oja'che pa'iche. Ũcuachi'a mũsanũkona ũcuate'e cuasaju re'oja'che ja'me pa'iju chekũnapi asa chẽa Dioni cuasaju jovoa'ju chini Repaũ chu'o chu'vajũ pa'iche masija'mũ chu'u. ²⁸ Ũcuachi'a mũsanũkonare cuhenare jmamakarujẽ'e vajũchũma'ñe Dios chu'o chu'vajũ pa'iche masija'mũ chu'u. Mũsanũkona jã'aja'ñe cho'оче repaũna cho'osojachena'me Diopi cho'okaiũna mũsanũkona pani etajani re'oja'che pa'ijachere ñomũ repaũre. ²⁹ Cristo cho'okaisi'ejekũna Dios maire Repaũ'te cuasachechi'a jo'kama'ñe Ũcuañi cuasaju Repaũ cho'ocojñosi'ejache cu'ache cho'ocojñojũ pa'iche jo'kasi'kũamũ. ³⁰ Jã'ajekũna chu'ũpi cu'ache cho'ocojñokũna mũsanũkona aperumũ ñasi'ena'me irumũ asacheja'che cu'ache

cho'ocojñoju pa'ijuasome.

2

Cristo Repau chũ'uñe jo'kaso pãiu carũni rani pa'isi'ere kũamũ

¹ Cristoji cho'okaiuna re'oja'che cho'o koka paame musanukona. Repauji oiũ cho'okaiuna rekoñoãpi re'oja'che pa'ime musanukona. Ũcuachi'a Dios Rekochoji musanukonani si'arumũ ja'me pa'iuna chekunare oiju cuasame. ² Jã'aja'ñejekuna ja'me re'oja'che pa'ijũ sãinechi'a oiju re'oja'che cho'okaiju ũcuate'e cuasaju ũcuate'e cho'oũu chiiju pa'ijũ'u. Jã'aja'ñe pa'ito rũa pojoja'mũ chũ'u. ³ Jmakarũjẽ'e, "Na'a rũa masiũ'mũ chũ'u", chini chekunani cajejaũu chini cuasama'ñe, "Ina chũ'ure na'a re'onaa'me", chiiju cuasaju pa'ijũ'u. ⁴ Te'eũjẽ'e meñechi'a cuasama'ñe chekunare cuasaju oiju cho'okaiju pa'ijũ'u.

⁵ Jesucristo cuasacheja'che re'oja'che cuasaju pa'ijũ'u. ⁶ Ija'che paniasomũ Repau: Dios Mamakũjekũ cũnaũmũre re'oja'che pa'iu chũ'ũkũta'ni chũ'uñe jo'kaso ranciasomũ Repau.

⁷ Repau paache re'oja'che jo'ka rani pãioji paaona maija'iu pãiu ainee rupũ cho'ochẽ cho'okaiva'u pa'icheja'che paniasomũ Repau.

⁸ Pãiu pa'iu Re'okũta'ni, "Inare na'a re'okũ'mũ chũ'u", chiima'ñe Pũka'kũ chũ'uñe'te jachama'ñe cho'okũ chuenisoche vajũchũache'te

cu'ache cho'osina chuenisocheja'che
kurususē'verona chuenisoasomꞤ Repau.

⁹ Jã'ajekuna Dios Repau'te vaso cunaꞤmuna jo'e
mua ŨcuauꞤna'me
pãire ũcuanꞤkore chũ'ua'ku chini kueñe
ñooasomꞤ.

¹⁰⁻¹¹ Cheja pa'inana'me cunaꞤmꞤ pa'inana'me
vati toa pa'inapi RepauꞤni ũcuanꞤko
vajuchujꞤ,

“Jesucristo peore PaakujꞤ MasiꞤ'mꞤ”, chiijꞤ ma-
sia'jꞤ chini

jo'kaasomꞤ Dios Repau'te Jesure.

Jã'ajekuna Puka'ku Dios jã'aja'ñe cho'osi'ku rua
pojocojñokꞤ pa'imꞤ.

Jesure cuasana miañeja'ñe pa'iche'te kꞤamꞤ

¹² Chu'Ꞥ cuasana, musanꞤkona chu'Ꞥ chũ'uñe
asa jachama'ñe rua jeerꞤmꞤ cho'oju pan-
icuhame. Jã'ata'ni chu'Ꞥ ja'me pa'irꞤmꞤchi'a
cho'oju pa'ima'ñe chu'Ꞥ peorꞤmꞤjẽ'e ũcua na'a
rua cho'oju pa'ijũ'Ꞥ. MusanꞤkona rekoñõãpi
vajuchujꞤ peore cho'ore'ochetu'ka cuhasoma'ñe
masi cho'oju pa'ijũ'Ꞥ, pani etajani ja'me re'oja'che
pañu chini. ¹³ Dioa'mꞤ maire Cho'okaiku.
Maipi Repau chiiche'te re'oja'che cho'ouakuna
cho'omasijꞤ cho'oju paaru chini cho'okaimꞤ
maire.

¹⁴ Peore musanꞤkona cho'oche ke'reju
cavama'ñe cho'oju pa'ijũ'Ꞥ. ¹⁵ MusanꞤkonapi
jã'aja'ñe pa'ito pãi musanꞤkonare ña,
“Cu'ache cho'ome ina”, chiimanejanaa'me
re'oja'chechi'a pa'ijuna. Ũcuachi'a Dios chĩi
pa'iche pa'ijꞤ, pãi si'ache rua tĩñe cu'ache

cho'ona pa'icheja pa'inata'ni jmamakarujē'e cu'achejē'e cho'oma'ñe re'oja'che pa'ijũ'u. Repanare chijachejaja'che cu'ache pa'inani re'oja'che pa'inapi ja'me pa'ijũ chijachejare ma'jñoko miañeja'ñe re'oja'che cho'o ñoju pa'ijũ'u. ¹⁶ Dios chũ'o re'oja'che pa'iche kuachũ'ore cuasaju chekunani kuaju pa'ijũ'u. Jã'aja'ñe cho'oju pa'ito Cristo jo'e raiumucusena musanukona re'oja'che pa'isi'e rua pojoku kuaja'mũ chũ'u, "Chũ'vate'emanesi'kuu'mũ chũ'u repanare", chini cuasaku. ¹⁷ Jã'ata'ni chũ'u musanukonare Repañi cuasaju jovoa'ju chini chũ'vakũ chuenisonijē'e ũcua pojoja'mũ, musanukonapi Repañ'te cuasanajeju pojoju pa'ijũna. ¹⁸ Jã'ajekũna chũ'ũpi pojoku pa'ũna musanukona ũcuaja'che pojoju pa'ijũ'u.

Timoteona'me Epafrodito pa'iche'te kũamũ

¹⁹ Maire Paaku Jesupi chiito Timoteo'te musanukona pa'ichejana na'mi saora chiimũ chũ'u, musanukona re'oja'che pa'iche'te ñajani ra kũaũna asa vajũra chini. ²⁰ Chũ'u cuasacheja'che musanukonare oiũ re'oja'che cho'okasa chini cuasaku chekũ te'eujē'e peomũ. Timoteochi'aa'mũ chũ'u cuasacheja'che musanukonare oiũ cuasaku. ²¹ Chekũna ũcuanũko repaña chiichechi'a cuasaju Jesucristo chiicheta'ni cuasamañaa'me. ²² Musanukona repañ Timoteo re'oja'che pa'iche masime. Chũ'ũna'me Jesucristo'te cuasache kuachũ'ore masi chũ'vakũ pũka'kũre cho'okaicheja'che ja'me re'oja'che cho'okaiũ pa'ikũ'mũ repañ chũ'ũre. ²³ Jã'ajekũna chũ'ũre cho'ojachere

asa masi, teana mʉsanʉkona pa'ichejana saora chiimʉ chʉ'ʉ repaʉ'te. ²⁴ Maire Paakuji chiito chʉ'ʉrepaʉji ivʉ'e pʉi chʉ'avʉ'e na'mi eta mʉsanʉkonare sani űara chiimʉ chʉ'ʉ.

²⁵ Ŭcuachi'a chʉ'ʉ cuasato mai majapʉiʉja'iu'te Epafroditore mʉsanʉkona pa'ichejana jo'e co'choche chiimʉ. Mʉsanʉkonapi chʉ'ʉni kuiraa'ku chini repaʉ'te raorena chekʉna rʉa űsetota'ni űcua chʉ'ʉna'me pa'iu Dios chʉ'o chʉ'vakʉ pa'imʉ repaʉ. ²⁶ Mʉsanʉkonare űcuanʉkore rʉa oiʉ űara chiimʉ repaʉ. Ŭcuachi'a repaʉ ravʉ jʉ'isi'e mʉsanʉkona asasi'ere asa sʉmava'ʉ pa'imʉ repaʉ. ²⁷ Rʉa jʉ'iu jʉnisora'asi'kuʉ'mʉ repaʉ. Jʉ'ata'ni Diopi oiʉ cho'okaiʉna vajʉcuhasi'kuʉ'mʉ repaʉ. Repaʉ'techi'a oima'űe chʉ'ʉrejatʉ'ka oiʉ cho'okaisi'kuʉ'mʉ Dios, chʉ'ʉni cu'ache ti'jʉűeʉna sʉma'űe pa'iva'ʉni na'a rʉa cu'ache ti'jʉűeʉna sʉma'űe cuasaku otare oiʉ pa'imaneʉ'ku chini. ²⁸ Jʉ'ajekʉna repaʉ'te na'mi saora chiimʉ chʉ'ʉ mʉsanʉkonapi űa pojoʉ pa'ijʉna chʉ'ʉjʉ'e űcuamakaru sʉmava'ʉ pasa chini. ²⁹ Maire Paakʉni cuasaku mai majapʉiʉja'iu'jekʉna pojoʉ re'oja'che cho'okaijʉ'ʉ repaʉ'te. Repaʉ pa'icheja'che pa'inare űcuanʉkore chiijʉ pojoʉ pa'ijʉ'ʉ. ³⁰ Cristoni cho'oche'te cho'okaiʉ jʉnisora'asi'kuʉ'mʉ repaʉ, mʉsanʉkonare cho'okaicu'ache'te chʉ'ʉni rani cho'okaiʉ.

3

Jesucristo chiiche masi cho'okaina pa'iche'te kʉatʉ

1 Chura, chu'u majapãijana, Maire Paakuji musanukonani paakuna pojoju pa'ijũ'u, chiimu chu'u. Chu'u aperumu i'kaku tochasi'ere musanukonani jo'e asato re'omu. Jã'ajekuna tocha ca'nasoma'ñe ũcuare i'kaku tochamu chu'u.

2 Ñarepaju pa'ijũ'u musanukonani jamuchai kokaneenaja'ñe pa'iju pãi ca'ni chutoneenapi jĩkomu chã'tiro pa'ica'niru chuto tuacojñoñe chũ'unapi cacu'omanea'ju. 3 Pãi Jesurejẽ'e cuasama'ñe rupũ sẽ'sevuchi'a circuncisión cho'ocojñoña Dios neenama'me. Maipi Dios Rekochoji cho'okaiuna Jesucristoni cuasaju jovo vaju Dioni pojoju, "Rua vesume chukuna", chiinapi Dios neenaa'me. 4 Sẽ'sevuchi'a re'oja'che cho'ojũ Dioni re'oja'che ja'me pa'ire'oto chu'u jã'ajamajñarũã cho'ocheji Repau'te rua re'oja'che ja'me pa'ira'amũ.

Jã'ajamajñarũã cho'oku aineesi'kujeku pãi chu'u pa'iche'te ñato rua re'oja'che pa'iku'mũ chu'u. 5 Israelpãijeku ochorepaumucujña pa'ikujĩ jĩkora'muru chã'tiru pa'ica'niru chuto tuacojñoñosi'kua'mũ chu'u. Benjaminvãjũjeku hebreorepau'mũ chu'u. Ũcuachi'a fariseopãijeku Dios aperumu chũ'u jo'kasi'e rua re'oja'che cho'oku aineeku pa'isi'kua'mũ chu'u. 6 Dios chiiche'te cho'okaineeku Jesure cuasanare tuha Repau'te cuasache'te ũseku vaiche chũ'uku pa'isi'kua'mũ chu'u. Ũcuachi'a Dios aperumu chũ'u jo'kasi'e chu'ure peore cho'ore'ochetu'ka masi cho'oku pa'isi'kua'mũ chu'u.

7 Peore jã'a chu'u aperumu, "Rua re'omu ie", chiu cuasasi'e irumu Cristoni cuasaku,

“Peoche'me jā'a”, chiiu cuasamu chu'u.
 8 Chura, “Cheke peore peoche'me”, chini cuasa, “Jesucristo'te chu'ure Paaku'te cuasachechi'aa'me re'oche”, chiiu cuasaku'mu chu'u. Na'a rua re'oja'chere chiiu Repauni cuasaku jovo, cheke chu'uni chi'ca pa'icheja'che pa'iana peore sejososi'kuamumu chu'u.
 9 Cristona'me re'oja'che pasa chini cuasaku Repaun'te jovosi'kuamumu chu'u. Aperumu Dios chu'u jo'kasi'ere te'eu cho'oku re'oja'che pa'ito karamu. Jã'ajekuna Diopi cho'okaiuna rua re'oja'che pasa chini jovosi'kuamumu chu'u.
 10 Cristo pa'iche'te na'a rua masira chiimu chu'u. Chuenisoona Repaun'te Vasosi'kupi Peore Masiuji Diopi cho'okaiuna Cristo cu'ache cho'ocojñosi'kuta'ni ũcua re'oja'che paniasomu. Chu'u ũcuaja'che cu'ache cho'ocojñonijē'e ũcuauji cho'okaiuna re'oja'che pasa chiimu chu'u. Repaun chuenisosi'ēja'che chuenisonijē'e chu'upi meñe ũcuauñi ĩsija'mu. 11 Jã'aja'ñe peore cho'ora chiiu ũcuachi'a pãi jũ'isina ũcuauko vajurairumuna vajurasa chiimu chu'u.

Jesucristo chu'u jo'kasi'e masi cho'oche'te kumamu

12 Dios chiiche cho'oche chuta'a peore masi che'chema'mu chu'u. Re'oja'che pa'iche chuta'a karamu chu'ure. Jã'ata'ni che'cheneeku si'arumu na'a rua re'oja'che pa'iu pa'iku'mu chu'u, chu'upi cho'oa'ku chini Jesucristo jo'kasi'ere peore masi cho'ora chini. 13 Asarepajũ'u, chu'u majarpãijana.

Chũ'u cuasato chũ'ure jo'kasi'e cho'oche chuta'a karamũ. Jã'ata'ni aperumũ pa'isi'ejẽ'e cuasama'ñe re'oja'chere na'a rua cho'omasira chini re'oja'che cho'ochechi'a cuasaku pa'iku'mũ chũ'u. ¹⁴ Chũ'upi cho'oa'ku chini Dios jo'kasi'ere masi cho'o pi'nira chiimũ chũ'u. Jesucristo cho'okaisi'ejekuna Dios maini pojoku chẽa ãsira chiiche'te re'oja'che koora chini peore cho'ore'ochetũ'ka Repaũ chiiche'te cho'oku pa'imũ chũ'u.

¹⁵ Maire ũcuanũkore Diore masi cuasanare jã'aja'ñe cuasache pa'imũ. Mũsanũkonapi jã'aja'ñe cuasamana pa'ito Diopi che'choja'mũ repare masia'jũ chini. ¹⁶ Mai che'chesi'e re'oja'che cho'oche ũhasoma'ñe ũcua cho'oju pañu.

¹⁷ Asarepajũ'u, chũ'u majapãijana. Chekuna cho'ocheja'che chũ'u re'oja'che cho'oche'te ña chẽa ũcuaja'che cho'oju pa'ijũ'u. Ũcuachi'a chũkuna mũsanũkonare che'chosi'e asa chẽa masi pa'ina pa'iche'te ñaju repaña pa'icheja'che pa'ijũ'u. ¹⁸ Ie ruarepañoã kuasi'kuamũ chũ'u mũsanũkonare. Jã'ata'ni oiũ jo'e ũcuare i'kamũ chũ'u. Pãi Jesucristo'te cuasana jainũko Repaũ kurususẽ'vero jũni ro'ikaisi'e cuhena pa'icheja'che pa'ijũ Repaũ'te cuasamanaja'ñe cu'ache pa'ime. ¹⁹ Icheja pa'ichechi'a cuasajũ repañare uachechi'a vajũchũache cho'oju pojoju pa'inaa'me repaña. Jã'aja'ñe pa'ijũ cacu'a na'a rua cu'ache cho'oju cho'osojanaa'me repaña. ²⁰ Maita'ni Dios pa'icheja canaa'me ai sani pa'ijanajeju. Maire Paaku Jesucristo repacheja cakũ rani maire

sa re'oja'che paajachere pojojɔ cha'ame mai.
 21 Reparumɔ Repaɔ peore Paakuji Masikujeku
 mai ca'nivuã re'oja'chechi'a pa'ivesuca'nivuã
 Repaɔ ca'nivɔja'ñe sañokaija'mɔ, maipi Repaɔ
 ca'nivɔja'ñe paaajɔ chini, jo'e jũ'imaca'nivɔji
 re'oja'che cho'o koka paaca'nivɔja'ñe.

4

Si'arumɔ pojojɔ pa'iche'te kumɔ

1 Jã'ajekuna, chu'u majarãijana, chu'u oiɔ
 ñaɔache cuasana, cacu'ama'ñe ũcua Maire
 Paakuni masi cuasajɔ re'oja'che pa'ijɔ pa'ijũ'ɔ.
 Mɔsanukonare cuasaku ruɔ pojomɔ chu'u.
 Mɔsanukona re'oja'che pa'iche jã'a chu'u masi
 cho'osi'e ro'ia'me.

2 Evodiana'me Síntique'te ũcuamakarɔ cavajɔ
 paarɔ chini chu'vamɔ chu'u, Maire Paakuni
 cuasajɔ majarãiromijanajejɔ re'oja'che ja'me
 paarɔ chini. 3 Mũ'ure, chu'una'me Maire
 Paaku'te cho'oche masi cho'okaiku'te, cho'okaiɔ
 pa'ijũ'ɔ repanare re'oja'che ja'me paarɔ chini
 i'kamɔ chu'u. Repana romi ũcuachi'a chu'ure
 Jesucristo'te cuasache kuachũ'ore chu'vakuna
 ja'me cho'okaisinaa'me, Clementena'me chekuna
 chu'una'me cho'oche cho'osina. Repana
 ũcuankore Dios neephuro utija'ophuro repana
 mami tochacojñosi'e paame, pa'iche mama
 pa'ina mami tochacojñosiphuro.

4 Maire Paakuji mɔsanukonani paakuna
 si'arumɔ pojojɔ pa'ijũ'ɔ. Jo'e ũcuare tochaku
 i'kara. Pojojɔ pa'ijũ'ɔ. 5 Pe'kerɔ pa'ijɔ pã
 chekunare ũcuankore re'oja'che cho'o ñojɔ
 pa'ijũ'ɔ. Maire Paaku jo'e na'mi raija'mɔ.

6 Jã'ajekuna musanukonare cu'ache ti'jñejañe vajuchuma'ñe cuasaju Dioni si'arumu sēeju pa'ijũ'u. Repau cho'okaijachere cuasaju, "Re'orepamu, Ja'ku", chiiju musanukona chiiche'te sēeju pa'ijũ'u Repau'te. 7 Jã'aja'ñe cho'oto Dios musanukona rekoñoãna re'oja'che pa'iche pãijẽ'e vesuche'te cho'okaija'mu. Rekoñoãpi re'oja'che pa'iju cu'ache ti'jñetojẽ'e vajuchuju sumana pa'imanejanaa'me musanukona, Jesucristoji ja'me pa'iana.

Re'oja'che cho'ochechi'a cuasaju pa'iche'te kwamu

8 Ūcuachi'a ie chu'vamu chu'u musanukonare, chu'u majapãijanare: Peore re'oja'che pa'iche'te cuasaju pa'ijũ'u, ũcuarepa pa'iche, pojoju pa'iche, re'oja'che cutucojñoñe, pe'keru pa'iche, rūhiñe cho'oche, pãi oiju pa'iche, re'oja'che cuasaju pa'ichena'me masi cho'oche. "Peore re'omu ie", chiire'ochechi'a cuasaju pa'ijũ'u.

9 Chu'u musanukonare che'chokuna asa chēasi'e cho'ojũ pa'ijũ'u. Ūcuachi'a musanukona chu'u i'kache asasi'ena'me chu'u cho'oche ñasi'ere ũcuaja'che cho'ojũ pa'ijũ'u. Jã'aja'ñe cho'ojũ pa'ito Dios musanukonare jo'kama'ñe ja'me pa'ija'mu, pãi rekoñoã re'oja'che pa'iche isiku.

Filipos vu'ejoopo pa'ina Pablo'te kuri isisi'ere kwamu

10 Aperumu musanukona chu'ure oinata'ni cho'okaicu'akuna reparumu cho'okaimanesinapi chu'uni oiju jo'e cho'okatena rua pojoku Maire Paaku'te, "Re'orepamu, Ja'ku", chiiju

pa'imũ chũ'ũ. ¹¹ Chũ'ũ chiicheji karakũna jã'aja'ñe i'kama'mũ. Si'arũmũ pojokũ pa'iche che'chesi'kũjekũ chũ'ũni ũcuauache ti'jñeto pojokũ pa'imũ chũ'ũ. ¹² Te'eñoã chũova'ũ pa'iu te'eñoã chũ'ũ chiiche cajejaiche paakũ'mũ chũ'ũ. Chũ'ũni ũcuauache ti'jñeto pojokũ pa'imasimũ chũ'ũ. Chekũrũmũ chũ'ũpi ãu karama'ñe paani jã'apãani ãucuhava'ũ panijẽ'e pojokũ pa'imũ chũ'ũ. Chekũrũmũ cu'amajñaruã karama'ñe paani jã'apãani chũ'ũni ũcuauache karatojẽ'e pojokũ pa'imũ chũ'ũ, si'arũmũ pojokũ pa'imasikũjekũ. ¹³ Chũ'ũni ũcuauache ti'jñeto Cristoji cho'okaiũna koka paamũ chũ'ũ. ¹⁴ Jã'ata'ni mũsanũkona chũ'ũre karache'te cho'okaijũ re'oja'che cho'osinaa'me.

¹⁵ Iere masime mũsanũkona: Chũ'ũ mũsanũkona pa'icheja Macedonia chejapi Jesucristo'te cuasache kũachũ'ore chũ'vajasa chini etarũmũ mũsanũkona Filipos vũ'ejoopo pa'ijũ Jesure cuasakuanupũchi'a kuri ãsisinaa'me chũ'ũre. Chũ'ũ Dios chũ'o che'chosi'ere cuasajũ, "Re'orepamũ", chiijũ cho'okaisinaa'me mũsanũkona. ¹⁶ Ũcuachi'a chũ'ũ Tesalónica vũ'ejoopo pa'irũmũ chũ'ũre karache te'eñoã kuri raosinaa'me mũsanũkona. ¹⁷ Mũsanũkonapi ãsijũna kookũ pojomũ chũ'ũ. Kurineema'kũta'ni pojomũ chũ'ũ. Mũsanũkona chũ'ũre rupũ re'oja'che cho'okaijũ pa'iche ro'icojñojañere cuasakũ pojomũ chũ'ũ. ¹⁸ Mũsanũkona chũ'ũni rakaau chini Epafrodore raosi'ere kooũna chura karama'mũ chũ'ũre. Mũsanũkona chũ'ũre raosi'e peore koosi'kũjekũ cajejaichejatũ'ka

paamꝯ chꝯ'ꝯ chura. Diopi ñato mꝯsanꝯkona chꝯ'ure raosi'e Repaꝯni pojoꝯ pãipi ma'ñare uoꝯuna ma'ñasuche vꝯocheja'che re'oja'che vꝯokꝯna pojomꝯ Repaꝯ. ¹⁹ Jã'ajekꝯna

mꝯsanꝯkonare Ũcuauꝯji chꝯ'ꝯ Cuasakꝯji Diopi kuirakꝯ mꝯsanꝯkonare karache'te peore ïsija'mꝯ. Jesucristo'te masi cuasanare re'oja'che karama'ñe si'ache ïsiku pa'ikꝯ'mꝯ Repaꝯ.

²⁰ Mai Ja'kꝯ Dios mai Cuasakꝯni cuhasoma'ñe si'arꝯmꝯ pojoꝯ, “Peore Masiꝯji rꝯa re'okꝯ'mꝯ mꝯ'ꝯ”, chiijꝯ pañu mai. Jã'aja'ñe paꝯ.

Tocha pi'ni chꝯ'o saosi'ea'me

²¹ Jesucristo'te cuasanajeꝯ Dios neenare ũcuauꝯkore chꝯ'o sa kuakaijꝯ'ꝯ. Mꝯsanꝯkonare mai majapãijana chꝯ'ꝯna'me pa'ina chꝯ'o saome.

²² Ijoopo pa'ina pãi Dios neena ũcuauꝯko chꝯ'o saome mꝯsanꝯkonare. Pãi chꝯ'ꝯku vꝯ'e cho'oche cho'okaina Jesure cuasana ũcuachi'a rꝯa chꝯ'o saome mꝯsanꝯkonare.

²³ Maire Paakꝯ Jesucristoji ũcuauꝯkore rekoñõãna pa'iche re'oja'che cho'okaꝯ mꝯsanꝯkonari re'oja'che paapꝯ chini. Jã'aja'ñe paꝯ. Re'omꝯ.

Pablo

Dios Chu'o Kuaphuro
Koreguaje: Dios Chu'o Kuaphuro New Testament
copyright © 2009 Wycliffe Bible Translators, Inc.

Language: Koreguaje

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022
87a345ac-83c6-51ad-8750-17a703f38bcc